

冬
官
旁
求

冬官考求卷下

稷

書舜典帝曰弃黎民阻飢汝后稷播時百穀疏云稷是五穀之長大官主此稷事后訓君也帝言汝君此稷官布種是百穀呂濟救之追美其功呂勸勉之上文讓于稷契益稷云暨稷呂刑云稷降播種國語云稷爲天官單名爲稷尊而君之稱爲后稷故詩傳孝經皆曰后稷爲言非官稱后也

昭二十九年左傳蔡墨對魏獻子曰稷田正也疏云正長也稷是田官之長

案稷在虞夏爲卿官其于周時必中大夫也蔡墨謂
之曰正曰其爲田官之長而稱之與後農正之爲官
名者自別

農正亦稱農大夫

農師

周語宣王不籍千畝虢文公諫曰不可夫民之大事在
農是故稷爲大官古者大史順時視土先時九日大史
告稷稷曰告王乃使司徒成戒公卿百吏庶民司空除
壇于藉命農大夫成戒農用及藉后稷監之膳夫農正
陳藉禮大史贊王王敬從之王耕一壑班三之庶人終

于千畝其后稷省功大史監之司徒省民大史監之是日也替帥音官呂省風土稷則徧戒百姓紀農協功乃命其旅曰徇農師一之農正再之后稷三之司空四之司徒五之大保六之大師七之大史八之宗伯九之王則大徇耨穫亦如之解云視視也庶民向師氏所掌之民主耕耨王之藉田者農用田器也膳夫上士農正田大夫主敷陳籍禮而祭其神爲農祈也贊導也一墾一耜之墾也王無耦呂一耜耕班次也三于下各三其上也王一墾公三卿九大夫二十七音官樂官也風土呂音律省土風風氣和則土氣養紀猶綜理也協同也一

之先祿也農師士士農正后稷之佐故次農師后稷農
官之君故次農正司空主道路溝洫故次后稷司徒省
民故次司空大保大師天子三公佐王論道汜監煇官
不得掌事故次司徒大史掌逆官府之治故次大師宗
伯卿官掌相王之大禮若王不與祭則攝佾故次大史
大甸率公卿大夫親行農也

案前云農大夫咸戒農用其後甸農但有農師農正
而無農大夫故知農大夫卽農正也其爵爲大夫其
官爲農師之長語兩稱之

昭十七季左傳鄉子論官曰九扈爲九農正扈民無淫

者也集解云扈有九種也春扈鵙鵙夏扈竊元秋扈竊
藍冬扈竊黃棘扈竊丹行扈喑喑宵扈嘖嘖桑扈竊脂
老扈鵙鵙曰九扈爲九農之號各隨其宜曰教民事扈
止也止民使不淫放疏云釋鳥自春爲鵙鵙至宵爲嘖
嘖凡七扈其文相次與此註正同又云鵙鵙老扈鵙桑
扈竊脂註爾雅者舍人李巡孫炎郭璞皆斷老上屬扈
下屬解云鵙一名鵙老鵙一名扈扈雀也唯樊光斷鵙
鵙爲句曰老下屬注云春秋云九扈爲九農正九扈者
春扈夏扈秋扈冬扈棘扈行扈宵扈桑扈老扈是曰老
下屬唯鵙不重耳

案九扈之職賡逵樊光釋之其言不經難可據信疏
駁之極是語多不具少皞氏于農官如此其煩者農
事特重也周官自稷以下可考者亦非一職無如冬
官缺亾不能得其全也

田峻

春官籥章凡國祈年于田祖飲豳雅擊土鼓呂樂田峻
注云祈季祈豐季也田祖始耕田者謂神農也豳雅亦
七月也七月又有于耜舉趾饁彼南畝之事是亦歌其
類謂之雅者呂其言男女之正鄭司農云田峻古之先
教田者爾雅曰峻農夫也疏云田祖卽郊特牲云先嗇

一也故甫田詩云曰御田祖毛云田祖先嗇者也先王之業曰農爲本是男女之正故名雅也

案主田之官謂之田畯故古之先教田者亦曰是名之

禮郊特牲饗農及郵表畷注云農田畯也

詩七月田畯至喜疏云此官選俊人主田故謂之田畯
案田畯名義當从此說

又甫田田畯至喜箋云田畯司嗇今之嗇夫也疏云田畯田官在田司主稼穡故謂司嗇漢世亦有此官謂之嗇夫故言今之嗇夫也郊特牲曰蜡之祭也主先嗇而

祭司嗇也注云先嗇若神農司嗇若后稷曰神農始造其田后稷教民播種此二人有田事之大功者也蜡者爲田報祭故知謂此二人稷爲人臣教稼亦是田官故謂之司嗇此言田畯乃是當時主稼之人故曰司嗇言之與郊特牲名同而實異也

案嗇夫別一官非田畯也鄭雖曰漢官况之然直謂今之嗇夫誤矣

爾雅釋言畯農夫也疏云孫炎云農夫田官也

禮月令孟春天氣下降地氣上騰天地和同草木萌動王命布農事命田舍東郊皆修封疆審端經術善相邱

陵阪險原隰土地所宜五穀所殖曰教道民必躬親之
田事既飭先定準直農乃不惑注云田謂田峻主農之
官也術周禮作遂夫間有遂遂上有徑遂小溝也步道
曰徑準直謂封疆徑遂也

大戴記夏小正篇正月農率均田鄭康成注禮月令引
之孔穎達疏云農率則田峻也均田則審端徑術也

案小正解云率循也均田始除田也據此則本但曰
農名之與郊特性言饗農一例孔穎達曰農率連言
非也此官本名田峻而或單言田或單言峻或更言
農皆隨其僂稱之

又案韋昭國語解云農大夫田峻也其解農正云后稷之佐田峻也幽風毛傳云田峻田大夫也皆曰田峻卽農正此其說非也郊特牲云蜡之祭主先嗇而祭司嗇也注云先嗇若神農者司嗇后稷是也疏云伊耆氏神農也神農旣爲始蜡豈自祭其身曰爲先嗇乎皇氏云伊耆一代總號其子孫爲天子者始爲蜡祭祭其先祖造田者故有先嗇也據此卽可曰神農爲先嗇不得曰后稷爲司嗇司嗇必其時之助教稼者若后稷爲司嗇當在夏商之世至周而后稷又當爲先嗇司嗇則近世爲農正者旣農正爲司嗇下

文饗農爲田峻何得云田峻卽農正乎目爵次推之
農正爲下大夫農師爲上士田峻其中下士歟

嗇夫

儀禮覲禮嗇夫承命告于天子注云嗇夫蓋司空之屬
也爲末擯承命于侯氏下介傳而上上擯目告于天子
疏云五官之內無嗇夫之名故知是司空之屬但司空
職亾故言蓋目疑之

昭十七季左傳夏六月日食大史引夏書曰辰不集于
房瞽奏鼓嗇夫馳庶人走集解云逸書也疏引孔傳云
嗇夫主幣之官馳取幣禮天神

案嗇夫之官鄭引况田峻謂司主稼穡者考漢書百官公卿表云十亭一鄉鄉有嗇夫職聽訟收賦稅又後漢志補註引風俗通曰嗇者省也夫賦也言消息百姓均其役賦據此二文則周時嗇夫亦必主稅斂之官也又說文云禾在野爲稼穀可收曰穡地官司稼主稼則嗇夫主穡職乃相備若然司稼職又云目季之上下出斂法者彼但出其瀆耳此則用其瀆而斂之非謂彼可兼此也至孔傳始曰嗇夫爲主幣之官孔傳嚮人僞作徒見左傳上文言樂奏鼓之下承目祝用幣之句遂用云然說不可信

又案戰國策魏策云周最善齊翟強善楚二子者欲傷張儀于魏張子聞之因使其人爲見者嗇夫吳師道曰見者謂引見傳命之臣儀使其臣爲見者之嗇夫曰間伺之此云見者嗇夫與儀禮承命告于天子相同則傳命之事嗇夫所兼掌也

又案聘禮卿爲上擯大夫爲承擯士爲紹擯今此嗇夫爲末擯則士也又春官序官大師下大夫二人小師上士四人下云瞽矇上瞽四十人中瞽百人下瞽百有六十人不言其何爵卽使有爵亦不過中下士及不命之士而已書曰嗇夫次于瞽與庶人之間其

非上士可知

保介

詩臣工嗟嗟保介維暮之春亦又何求如何新畝於皇
來牟將受厥明明昭上帝迄用康季命我眾人疇乃錢
鏹奄觀銍艾

禮月令孟春天子親載耒耜措之于參保介之御間帥
三公九卿諸侯大夫躬耕帝籍

案保介之名他無所見見此二處者皆耕藉之事康
成箋注兩目爲車右衣甲之士非也介字在說文八
部解云畫也从八从人人各有介此正画井分疆之

義而周頌無此疆爾界陸德明所見之本乃作介字
然則保介者正疆界之官也王將有事于藉田故咨
嗟而命之且使之驂乘焉重其職也豈平時車右之
士乎

郵

禮郊特牲饗農及郵表畷注云郵表畷謂田畷所目督
約百姓于井田之處也詩云爲下國畷郵疏云郵若郵
亭屋宇處所表田畔畷者謂井畔相連畷所引詩者齊
魯韓詩也

孟子孔子曰德之流行速於置郵而傳命疏云郵駟名

云竟上舍也又云官名督郵主諸縣罰負

案此疏駟名之下有闕文

又案爾雅釋言郵過也注云道路所經過又說文云

郵竟上行書舍啜兩陌間道也廣六尺古人于田畔

及國竟皆大郵舍設官曰涖之因曰爲名其職本曰

分別畛域巡行民稼因而傳命徃來皆使其徒掌之

後世勤民之意漸微而傳命之事乃有特重故諸家

所解多曰駟舍爲言也大蜡祭郵者正曰其生有功

于農沒得享其報鄭注但曰田峻督約百姓之處爲

言則田峻旣已祭之其屋宇何必更祭但田峻出而

勸農或就其處誓息事應然耳

又案釋言云駟遽傳也注云皆傳車駟馬之名疏云
文十六季左傳曰楚子乘駟會師于臨品又僖三十
三季云使遽告于鄭又成五季曰誓侯呂傳召伯宗
是皆謂今駟也駟傳之事諸國皆有則駟傳之官亦
所必有至駟遽之分則李舍人云駟尊者之傳也今
考左傳楚子乘駟外如襄二十一年季祁奚乘駟而見
宣子襄二十七季子木使驛謁諸王昭五季楚子呂
駟至于羅汭皆君大夫之事李說是也既駟爲尊者
之傳則遽乃卑者之傳禮記玉藻士曰傳遽之臣注

云士伏卑供車馬之役故自稱傳遽是其證也又左
傳遽凡三見僖三十三年乃商人弦高之使其爲卑
者無疑哀二十一年齊問邱息曰羣臣將傳遽以告
寡君譏公早至故言欲使遽告取急卑者行彌急也
若昭二年子產乘遽則曰公孫黑作亂懼弗及故乘
卑者之傳而至耳傳則其總名也

又案後漢督郵之官其秩甚微此督郵亦在饗農之
下則郵下士也

四監

亦稱田監

禮月令季夏命四監大令百縣之秩芻曰養犧牲令民

無不成出其力以共皇天上帝名山大川四方之神以
祠宗廟社稷之靈以爲民祈福注云四監主山林川澤
之官百縣鄉遂之屬地有山林川澤者也秩常也百縣
給國養犧牲之芻多少有常民皆當出力爲艾之今月
令四爲田牲以供祠神靈爲民祈福明使民艾芻是不
虛取也疏云知百縣非諸侯而云鄉遂之屬以其取芻
養牲不可大遠故知是畿內鄉遂仲夏云乃命百縣零
祀百辟卿士者兼外內諸侯也此云鄉遂之屬者不兼
公卿大夫之采邑

又季冬乃命四監收秋薪柴以共郊廟及百祀之薪燎

注云四監主山林川澤之官也大者可析謂之薪小者合束謂之柴薪施炊爨爨柴曰給燎

案官名四監者監取四野之薪芻也甸人之薪蒸曰役外內糞之事此之薪燎曰供祭祀之用彼入天官則此宜入冬官又冬官之屬有職人掌畜牧之事則四監之秩芻乃曰供職人之來也

又案甸師下士二人四監之官人數不可知其爵或亦下士歟

野虞

禮月令季春命野虞毋伐桑柘注云野虞謂主田及山

林之官

又孟夏命野虞出行田原爲天子勞農勸民毋或失時
又仲冬山林藪澤有能取蔬食田獵禽獸者野虞教道
之其有相侵奪者罪之不赦注云務收斂野物也大澤
曰藪草木之實爲蔬食疏云鄭注周禮水鍾曰澤水希
曰藪今言大澤曰藪者呂有水之處謂之澤旁無水之
處謂之藪草木之實爲蔬食者爾雅云蔬不熟爲藪蔬
謂菜蔬呂其龕蔬經言蔬食故爲草木實也山林蔬食
榛栗之屬藪澤蔬食菱芡之屬

案地官有山虞林衡之職皆掌材木之禁令者野虞

則掌野物及巡田職各不同彼二職既屬地官則此冬官之屬也

又案山虞林衡有大山大林麓中下士之分野虞未知所分若何然亦士官也

又案月令有澤人水虞之官其職主納材葦主收水泉池澤之賦則即澤虞而所稱各異耳

又案齊有衡鹿舟鮫虞候祈望皆主山林澤藪之官疏云此皆齊自去名故與周禮不相同

司鐸

昭十三季左傳同盟于平邱晉人執季孫意如呂幕蒙

之使狄人守之司鐸射懷錦奉壺飲水曰蒲伏焉守者禦之乃與之錦而入集解云司鐸魯大夫蒲伏竊從飲季孫冰箭筒蓋可曰取飲疏云有北狄之人從誓師來會故使狄人守之

哀三季左傳司鐸火集解云司鐸官名

襄十四季左傳師曠引夏書曰適人曰木鐸徇于路官師相規工執藝事曰諫正月孟春于是乎有之諫失常也集解云逸書適人行人之官也木鐸木舌金鈴徇于路求歌謠之言疏云木鐸徇路是號令之事孔言宣令之官杜必曰爲行人之官者曰其云徇于道路故曰爲

行人之官采訪歌謠者與孔宣令之官其事不異劉炫
曰孔規杜非也

案行人之官杜亦比况言之非曰爲秋官行人之職
也行人無用木鐸之事

尙書疏云周禮無此官惟小宰云正歲帥治官之屬而
觀治象之灋徇曰木鐸曰不用灋者國有常刑宣令之
事略與此同此侶別置其官非如周之小宰名曰道人
不知其意蓋訓適爲聚聚人而令之故曰爲名也禮有
金鐸木鐸鐸是鈴也其體曰金爲之明舌有金木之異
知木鐸是木舌也周禮鼓人曰金鐸通鼓大司馬教振

旅兩司馬執鐸明堂佻云振木鐸于朝是武事振金鐸
文事振木鐸

案魯有司鐸則周官亦當有司鐸適人者夏時異名
也其官大抵掌道路之政令而王官警戒之令亦兼
掌之觀魯司鐸之官近於公官可知既掌道路之政
則卽司空平易道涂之職屬之冬官宜也
又案司鐸于魯爲大夫于天子則士官歟

涉人

哀十五季左傳陳使弔吳公孫貞子卒吳子使辭芊尹
蓋對曰苟我寡君之命達于君所雖隕于深淵則天命

也非君與涉人之過也

案官曰涉人爲名必係掌津梁之官孟子云歲十一月徒杠成十二月與梁成正冬官之事則此職之屬於冬官明矣

蒼兕

史記齊大公世家師行師尙父誓曰蒼兕蒼兕總爾眾庶與爾舟楫後至者斬索隱曰本或作蒼雉案馬融曰蒼兕主舟楫官名

案主舟楫之官名蒼兕者必于舟首畫作兕牛之形因目名其職王充論衡曰爲水獸九頭善覆人舟誓

衆令急濟故言此曰懼之非也

又案車人屬于冬官則主舟楫之官屬于冬官必矣
舟牧

禮月令季春命舟牧覆舟五覆五反乃告舟備具于天
子焉天子始乘舟薦鮪于寢廟乃爲麥祈實注云舟牧
主舟之官也覆反舟者備傾側也

魯語諸侯伐秦及涇莫濟晉叔向見叔孫穆子穆子曰
豹之業及匏有苦葉矣叔向退召舟虞與司馬曰具舟
除隧不共有灋解云隧道也舟虞具舟司馬除道

案舟虞卽舟牧習官偶異其名耳

舟人

詩小東舟人之子熊羆是襄傳云舟人舟楫之人

水師

周語單襄公引周秩官曰敵國賓至火師監燎水師監濯解云火師司火燎庭燎也水師掌水監滌濯之事者案秋官有司烜氏注云烜火也讀如衛侯燬之燬考說文烜在燿字下注云或从亘司燿屬夏官此不當更作烜作燬爲是說文又云火燬也燬火也二字正同解謂火師司火卽此官也又其職云凡邦之大事其墳燭庭燎疏謂大事若大喪紀大賓客則皆設大

燭在門外庭燎在大寢之庭正此賓至監燎之事火師既屬秋官水師必屬冬官水冬行也

又案司馬彪漢書禮儀志云夏日至浚井改水冬日
至鑽燧改火周官司燿掌四時變國火卽改火之事
則改水之事水師掌之可知

又案司烜下士六人司燿下士二人水師亦必下士
也

豕人

春官小宗伯毛六姓辨其名物而頒之于五官使其奉
之注云鄭司農云司徒主牛宗伯主雞司馬主馬及羊

司寇主六司空主水疏云先鄭云司徒奉牛已下皆案職知之若大司徒有牛人卽云奉牛牲宗伯職有雞人卽云供雞牲司馬職有羊人校人掌馬卽云供羊牲奉馬牲司寇職有犬人卽云奉犬牲唯司空職先鄭知主豕者五行傳聽之不聰則有豕禱是豕屬北方司空冬官故奉豕牲也

案此則冬官之有豕人必矣又月令冬食彘注云彘水畜孔穎達云食當方之牲此亦豕人屬冬官之證也

又案牛犬牢所用者重故其官中士二人下士四人

而府史胥徒多雞小物所用者微故其官下士一人
史一人徒四人而已羊少牢犬所用者多故皆下士
二人犬人多一府而史賈徒陪于羊人者犬有守犬
田犬庖犬之分羊則無也豕輕于牛而重于雞又不
如犬之有分用則其官當以羊人爲準

職人

地官牛人凡祭祀共其享牛求牛以授職人而芻之注
云享獻也獻神之牛謂所以祭者也求終也終事之牛
謂所以釋者也職讀爲儀儀謂之拭可以繫牛職人者
謂牧人充人與疏云注云職讀爲儀者凡官皆有職直

云職人無所指斥但職職聲相近誤爲職故讀從職
人置楸入地之時職職然作聲故以聲名其官也云
人者謂牧人充人與者與疑辭疑之者凡牲堪祭祀
則牛人選入牧人歸祭之前牧人乃授充人充人乃繫
養之今若卽以職人爲充人則隔牧人故連牧人而言
之明先至牧人乃至充人經據後而言之耳

案牧人牧牛牛人但其奉之非從牛人選入牧人也
觀夏官羊人職云若牧人無牲則受布于司馬使其
賈買牲而其之可見若然牛人職云掌養國之公牛
者牧人所牧之公牛牛人監養之非牛人別自養牛

也餘見後案

春官肆師大祭祀展犧牲繫于牢頒于職人注云此職
八謂充人及監門人疏云案充人云祀五帝繫于牢芻
之三月凡散祭祀之牲繫于國門使養之故知穢人是
此二官也此有監門人者謂兼祭諸神司中之等

案犧牲之事周禮甚重無事則牧于牧人當事則其
于牛人羊人若大祭祀之牲牲則牧人與牛人同共
之肆師展之而使充人繫之職人芻之散祭祀之犧
牲則監門人養之鄭謂職人卽充人考肆師職先言
繫于牢後言頒于職人是二職不得相合若充人職

言繫于牢芻之三月不云使職人芻之者文不具也
至監門人養小祭祀之犧牲則又與肆師言大祭祀
者不合而前條又兼牧人言之則尤遠矣所曰充人
屬地官而職人屬冬官者四監合秩芻屬于冬官故
也

又案充人下士則職人亦下士也

史記孔子世家嘗爲司職吏而畜蕃息

案此則職不必改字

孟子孔子嘗爲乘田矣曰牛羊茁壯長而已矣

案乘田當係魯官異名

權人

論語謹權量審法度修廢官四方之政行焉注云包曰
權秤也量斗斛疏云漢書律志云權者銖兩斤鈞石也
所曰秤物平施知輕重也本起于黃鐘之重一龠容千
二百黍重十二銖兩之爲兩二十四銖爲兩十六兩爲
斤三十斤爲鈞四鈞爲石五權謹矣量者龠合升斗斛
也所曰量多少也本始于黃鐘之龠用度數審其容目
子穀秬黍中者千有二百實其龠合龠爲合十合爲升
十升爲斗十斗爲斛而五量嘉矣志又云度者分寸尺
丈引也所曰度長短也本起黃鐘之長目子穀秬黍中

者一黍之廣爲一分十分爲寸十寸爲尺十尺爲丈十丈爲引而五度審矣而此不言度者從可知也

禮月令仲春日夜分則同度量鈞衡石角斗甬正權衡注云因晝夜等而平當平也同角正皆謂平之也丈尺曰度斗斛曰量三十斤曰鈞稱上曰衡百二十斤曰石甬今斛也稱錘曰權橈平斗斛者疏云漢書律志云權與物鈞而生衡衡運生規規圓生矩矩方生繩繩直生準權與物正等則衡平是權爲稱錘稱上曰衡甬與斗連文律志十斗爲斛故知甬則斛也

又仲秋日夜分則同度量平權衡正鈞石角斗甬

案權衡丈尺斗斛之事皆聖王所重缺一不可者夏
官有量人掌量度之事考工記有臬氏掌豆黼之制
則必有權人掌輕重之施其官屬于冬官明矣量人
下士則權人臬氏亦下士也

鉦人

詩采芑鉦人伐鼓傳云鉦呂靜之鼓呂動之箋云鉦也
鼓也各有人焉言鉦人伐鼓互言爾疏云周禮有錞鐻
鐻鐸無鉦也說文云鉦鐻也似鈴柄中上下通然則鉦
卽鐻也鼓人云呂金鐻止鼓大司馬云鳴鐻且却聞鉦
而止是鉦呂靜之大司馬又曰鼓人三鼓車徒皆作聞

鼓而起是鼓自動之也說文又曰鐻鉦也鐻小鉦也則鐻鐻相類俱得曰鉦名之故鼓人注云鐻鉦也形如小鐘是鐻亦名鉦也鐻似小鐘鐻似鈴是有大小之異耳俱得名鉦但鐻曰節鼓非靜之義故知鉦曰靜之指謂鐻也

案鉦曰靜之宜屬冬官鼓人屬地官者彼疏云曰其主敎六鼓四金曰是敎官故在此鼓人兼敎四金疑同一職所曰復有鉦人者彼但掌其敎耳至其用之必于鉦人也

又案鼓人中士鉦人亞于鼓人蓋下士也

倌人

詩定中靈雨既零命彼倌人星言夙駕說于桑田傳云倌人主駕者疏云日命之使駕故知主駕者諸侯之禮亡未知倌人爲何官也

案周官掌車之官不一而皆非主駕者典路掌五路之用說疑于主駕矣然其于駕說亦第贊之而已贊註謂贊僕與趣馬考趣馬職云掌駕說之頒但謂用馬之次第亦非主駕大馭戎僕諸職于駕說無文而曲禮云君車將駕則僕執策立于馬前注云監駕且爲行馬是亦未嘗主駕主駕者倌人也冬官有車人

呂爲車則應有倌人呂駕車與春夏諸職正相備也
又案典路呂士爲之倌人或亦士歟

復陶

襄三十季左傳趙孟使絳縣老人助爲政辭呂老與之
田使爲君復陶集解云復陶主衣服之官疏云昭十二
季傳說楚子出獵王皮冠秦復陶翠被豹舄執鞭呂出
復陶之文在冠屨之間知復陶是衣也此言君復陶知
是主君衣服之官也衣服之名復陶其義未聞

案春官司服掌王之吉凶衣服辨其名物與其用事
皆灋服也復陶別有其製必係襲服意此官專掌爲

此遂曰名之歟既復陶非法服故从其爲之而入王官不與司服同入禮官事之宜也

又案趙孟使絳縣老人爲政下大夫也辭而使爲此官則士也周官司服係中士此職亞之其下士歟

綴衣

書太政王左右常伯常任準人綴衣虎賁

又云虎賁綴衣趨馬小尹傳云三者雖小官長必擇人又顧命茲既受命選出綴衣于庭傳云綴衣幄帳疏云下云秋設黼屨綴衣則綴衣是黼屨之類黼屨是王坐去之處知綴衣是施張于王坐之上故曰爲幄帳也周

禮幕人掌帷幕幄帟綴之事鄭云在旁曰帷在上曰幕
帷幕皆曰布爲之四合象宮室曰幄王所居之帳也帟
正在幕居幄中坐上承塵也幄帟皆曰繪爲之然則幄
帳是繡展之上所張之物所言出綴衣于庭則亦井出
繡展故下句云象王平生坐時史復設之

又云狄設繡展綴衣傳云復設帷帳象生平所爲

案帷幕幄帟綴掌于幕人而此復有綴衣者幕人但
其其物綴而設之必別有人綴者連綴之義帷幕曰
連綴而成故總而名之曰綴衣而官亦曰是名此官
不但掌綴設必兼有所正焉如大僕正服佐之事故

在王左右也傳于顧命言帷帳而于左政言掌衣服
疏承之遂曰爲卽大僕之官誤矣鄭曰顧命所出者
爲連綴小斂大斂之衣尤誤

又案幕人下士虎賁下大夫趨馬下士綴衣職比幕
人而次于虎賁趨馬之間其亦士官歟

褚師

襄二十一年左傳季武子如宋褚師段逆之

昭二年左傳鄭公孫黑請曰卽爲褚師集解云褚師市
官疏云蓋相傳說也

昭十二年左傳衛公孟惡褚師圍

案褚師之官諸國皆有之必周官也杜謂市官周禮地官司市之屬無褚師之名故疏云蓋相傳說呂疑之考成三季傳云荀帶在楚鄭賈人有將寘諸褚中呂出褚字杜無解林堯叟云絮也又師古漢書南粵傳注云呂綿裝衣曰褚據此二條褚師必係掌絲絮之官蓋典絲典枲之類周禮典絲典枲入天官而此入冬官者彼从典婦功之職此从其用之時也又案典婦功中士典絲典枲皆下士此亦中下士爲之歟

莊二十二季左傳齊侯使敬仲爲工政集解云掌百工之官

宣四季左傳楚爲賈爲工正

案楚官爲工尹此言工正傳文之誤然職本相同故仍之

襄九季左傳宋災使皇耶命校正出馬工正出車備甲兵庀武守疏云車馬甲兵司馬之職使皇耶掌此事皇耶必是司馬也周禮司馬之屬無主車之官巾車車僕職皆掌車乃爲宗伯之屬昭四季傳云夫子爲司馬與工正書服是諸侯之官司馬之屬有工正主車也

案諸侯之官多兼職故工正屬于司馬王國則自屬冬官也

文十年左傳楚成王使子西爲工尹集解云掌百工之官

又楚爲工尹者有工尹濟工尹商工尹襄工尹路工尹赤工尹麋工尹壽工尹固諸人

案楚官多曰尹爲名所謂工尹卽工正也

昭十七季左傳鄭子論官曰五雉爲五工正利器用正度量夷民者也集解云五雉雉有五種西方曰鷓雉東方曰鷓雉南方曰翟雉北方曰鷓雉伊洛之南曰翟雉

夷平也疏云爾雅說四方之雉唯南方不同賈逵云西方曰鷓雉攻木之工也東方曰鷓雉搏埴之工也南方曰翟雉攻金之工也北方曰鷓雉攻皮之工也伊洛之南曰聾雉設五色之工也樊光注爾雅四方之雉配工亦與賈同唯聾雉不配工耳案賈樊所言之工出于考工記耳而考工記更有刮摩之工凡有六工非唯五也且記是後世之書少皞時工未必如記所說又呂工配雉無所憑據不可采用故杜不言雉聲近夷雉訓夷夷爲平故呂雉名工正之官使其利便民之器用正丈尺之度斗斛之量所呂平均下民也

案賈樊所言雖不可以說少皞時官然既名爲五工
正則必兼統衆工而周家工正之總衆職可知矣

工師

禮月令季春命工師令百工審五庫之量金鐵皮革筋
角齒羽箭幹脂膠丹漆毋或不良百工咸理監工日號
毋悖于時毋或作爲淫巧曰蕩上心注云工師司空之
屬官也五庫藏此諸物之舍也量謂物善惡之舊灋也
幹器之木也凡榦幹有常用脂良善也咸皆也于百工
皆理治其事之時工師則監之日號令之戒之日此二
事也悖逆也百工作器物各有時逆之則不善時者若

弓人春液角夏治筋秋合三材冬定體之屬也。濞巧謂
僞飾不如法也。蕩謂動之使生奢泰也。疏云周禮考工
記無工師知是司空屬官者。呂司空掌工巧。此稱工巧
師長。故知司空之屬五庫者。熊氏云各呂類相從。金鐵
爲一庫。皮革筋爲一庫。角齒爲一庫。羽箭幹爲一庫。脂
膠丹漆爲一庫。義或然。

又孟冬命工師効功。陳祭器案度。程母或作爲濞巧。呂
蕩上心必功。致爲上物。勒工名呂考其誠功。有不當必
行其罪。呂窮其情。注云工師工官之長也。効功錄見百
工所作器物也。主于祭器祭器尊也。度謂制大小也。程

謂器所容也功不當者取材美而器不堅也疏云必功致爲上者言作器不須靡靡華侈必功力密致爲上

定十季左傳侯犯呂邠叛武叔懿子圍邠弗克叔孫謂邠工師駟赤曰邠非唯叔孫氏之憂社稷之患也集解云工師掌工匠之官

孟子爲巨室則必使工師求大木注云工師主工匠之吏疏云所謂工師者師範也教也卽掌教百工者如漢書云將作少府秦官掌理宮室者是也

案工師者工正之佐也周禮遂師亞于遂人而左傳謂遂人爲隄正卜師亞于大卜而滕侯爲大卜自謂

爲卜正又黨正之下有族師縣正之下有鄙師國語亦曰農師次于農正皆師爲正佐之驗也

儀禮大射禮工人士與梓人升自北階兩楹之間疏數容弓若丹若墨度尺而午射正莅之注云工人士梓人皆司空之屬能正方圓者一從一橫曰午謂畫物也疏云知工人士與梓人皆司空之屬能正方圓者冬官雖亡不知官屬之號見今考工記有三十官有梓人之官此工人士又與梓人同事故知冬官未亡時屬司空也云能正方圓者曰工巧之能知也云度尺者卽鄉射記從如筈三尺橫如武尺二寸是也

案謂之工人士者必工師之屬選其技之善而試爲
士者也禮文王世子篇云曲藝皆誓之曰待又語三
而一有焉乃進其等曰其序此工人士之所由選也
巧人

襄三十一季左傳子產壞晉館垣曰文公之爲盟主也
巧人曰時塡館宮室集解云巧人塗者塡塗也疏云釋
官云鏝謂之朽李巡曰鏝一名朽塗工作具也郭璞云
泥鏝也然則朽是塗之所用因謂泥墻屋之人爲巧人
塡亦泥也使此泥屋之人曰時泥塗客館之宮室也

梓人

儀禮大射禮文見前

案自梓人至矢人已見考工記此復載之者目見考工記三十工皆周官也

輪人

禮雜記古者貴賤皆杖叔孫武叔見輪人目其杖關轂而輶輪者于是有爵而後杖也注云輪人作車輪之官疏云關穿也輶廻也

輿人

孟子子如通之則梓匠輪輿皆得食于子注云梓匠木工也輪人輿人作車者也疏云梓人成其器械目利用

匠人營其宮室曰安居輪人作車輪曰運行與人作車
輿曰利載

又云梓匠輪輿能與人規矩不能使人巧

玉人

襄十五季左傳宋人或得玉獻諸子罕子罕弗受獻玉
者曰曰示玉人玉人曰爲寶也故敢獻之子罕曰我
不貪爲寶爾曰玉爲寶若曰與我皆喪寶也不若人有
其寶子罕實諸其里使玉人爲之攻之富而後使復其
所集解云玉人能治玉者疏云我得不貪女得其玉是
我女二人各有其寶

孟子今有璞玉於此雖萬鎰必使玉人雕琢之

陶正

卽陶人之長

襄二十五年左傳鄭子產獻捷于晉晉人問陳之罪對曰昔虞闕父爲周陶正呂服事我先王我先王賴其利器用也與其神明之後也庸呂元女大姬配胡公而封諸陳呂備三恪集解云庸用也胡公闕父之子滿也

陶人

禮喪大記陶人出重鬲疏云陶人作瓦器之官也重鬲見前

冶氏

孟子曰粟易械器者不爲厲陶冶疏云陶冶器之匠也冶鑄金之匠也

煇人

考工記作鞞人

禮祭統夫祭有昇煇胞翟闞者惠下之道也煇者甲吏之賤者也胞者肉吏之賤者也翟者樂吏之賤者也闞者守門之賤者也注云煇周禮作鞞謂鞞磔皮革之官也翟謂教羽舞者也疏云案周禮考工記鞞人爲鞞陶鄭云鞞陶鼓木也言鞞人之官掌作鼓木張皮兩頭鞞之目爲鼓是鞞磔皮革之官云翟謂教羽舞者也者羽翟羽故邶詩云左手執籥右手秉翟翟卽狄也古字通

用

案經中所言狄人凡有二等一則樂狄此所稱是也其職屬于地官舞師曰執翟羽而舞因曰爲名一則僕隸書顧命狄設黼屨纒衣禮喪大記狄人設階狄人出壺是也屬于秋官司隸其職云邦有祭祀賓客喪紀之事則役其煩辱之事掌帥四翟之隸使之皆服其邦之服執其邦之兵守王宮與野舍之厲禁據云喪紀役煩辱之事卽設黼屨設階之事云帥四翟之隸故名之爲狄人也

函人

弓人

矢人

孟子矢人豈不仁於函人哉矢人惟恐不傷人函人惟恐傷人

又云人役而耻爲役猶弓人而耻爲弓矢人而耻爲矢也

儀禮大射禮賓之矢則曰授矢人于西堂下注云是言矢人則納射器之有司各曰其器名官職不言君矢小臣曰授矢人于東堂下可知

案曲禮天子之六工土工金工石工木工獸工草工

典制六材鄭云此亦殷時制也周則皆屬司空土工陶旂也金工築冶鼃桌段桃也石工玉人磬人也木工輪輿弓廬匠車梓也獸工函鮑鞞韋裘也唯草工職亡蓋謂作萑葦之器據此所述雖殷官而周官且之爲準則萑葦之官亦周所必有也

都司空

家司空

案春官有都宗人宗宗人夏官有都司馬家司馬秋官有都士家士則冬官必有都司空家司空矣天地二官無都家之官者治教不出于下也

又案都宗人都司馬目上士爲之長者重祭祀嚴軍
旅也軍事尤煩故備三等之士而史胥徒倍于都宗
人都士主刑獄非祭祀軍旅之比故目中士爲之長
而府史胥徒同于都宗人者事相埒也都司空掌工
役亦非春夏二官之比則其官應同都士蓋中士二
人下士四人府二人史四人胥四人徒四十人也家
司空亦如都司空之數

附

文十七季左傳諸侯會于扈誓侯不見鄭伯目爲貳
于楚也鄭子家使執訊而與之書目告趙宣子集解

云執訊通問訊之官案采芑詩云執訊獲醜皇矣詩
云執訊連連執訊二字實本于此鄭孔俱云執其可
言問者不曰爲官名今子家所使旣不可云執訊人
之可言問者而鄭官別有行人之名論語云行人又
于羽修飾之又
不可云卽行人之官意當時行人之下更有是職也
成十季左傳晉侯欲麥使何人獻麥饋人爲之召桑
田巫示而殺之案周官無饋人之官膳夫職云凡王
之饋食用六穀膳用六牲云云疑因此名之也

襄二十一年左傳欒盈請歸死于尉氏集解云討姦
之官疏云尉氏主刑人故爲討姦之官周禮司寇之

屬無尉氏蓋周室既衰官名改易于時有此官耳今
案晉官有軍尉與尉秦官有大尉皆掌兵之官疑屬
夏官此疏云屬秋官未知其的

魯語天子少采夕月與大史司載糾虔天刑案司載
不知何官秋官司盟職云掌盟載之灋盟萬民之犯
命者詛其不信者與大史職約劑亂則辟灋不信者
刑之正同疑卽此官韋昭目爲馮相保章之職恐未
可信

吳語楚靈王親獨行屏營傍徨于山林之中三日乃
見其涓人曠解云涓人卽中涓案師古曰中涓親近

之臣若謁者舍人之類涓潔也主居中涓潔也此官始秦楚所置漢世因之擬之周官乃宮人之職犬抵秦楚立官多異如楚有莫敖令尹箴尹連尹官廆尹諸名秦有庶長大良造不更諸爵皆不可比周官律之也

又案經傳官名與周官小異而實不異者甚多畧舉

言之如司宮

左傳

卽宮人賈正

左傳

卽賈師山人

左傳

卽山

師縣人

左傳

卽縣師漁師

月令

卽漁人委吏

孟

卽委人場

師

孟

卽場人麓

國語

卽林衡又如雍正

儀禮

乃內外饗之

長馬正馬師

左傳

乃家司馬之長與佐候正

左傳

校正

乃候人校之長尙書大正乃大僕之長逸周書大正

乃司寇之長理

月命

卽獄吏士師也行理

左傳

卽行人之

吏行夫也大酋

月命

卽酒官之長酒正也彌宗

逸周書

宗

人之屬泰士彌士

逸周書

士師之屬夏祝商祝

儀禮及禮記

及

喪祝之屬巷伯

左傳及詩

內小臣之等冷人

左傳

樂師之等

公族

魏詩及左傳

餘子

左傳

諸子之職公路

魏詩及左傳

差車

左傳

巾車典路之職皆有可考唯左政所云常伯常任準

人今不可考耳

弟辛誠質行文